



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 КТПО 0027404 25
Sarajevo, 4.12.2025. godine

HITNO
PRITVOR

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv:

Wendler Daniele, nadimak „Dani“, rođene 1969. godine u Gelsenkirchen, SR Njemačka, državljanke SR Njemačke.

Što je:

1. U vremenskom periodu od početka aprila 2025. do 12.08.2025. godine, tačno neutvrđenog dana, prilikom ulaska u Bosnu i Hercegovinu, na MGP Trebimlja u području opštine Ravno, svjesna da preko carinske linije prenosi sakrivenu robu veće vrijednosti, te htijući to, suprotno odredbama člana 48., 51., 52. i 53. Zakona o carinskoj politici BiH („Službeni glasnik BiH“, broj: 58/15), kojim je propisano da sva roba koja se unosi u carinsko područje Bosne i Hercegovine podliježe carinskom nadzoru od trenutka unošenja, odnosno da lice koje robu unosi u carinsko područje Bosne i Hercegovine, istu odmah predočava carinskom organu, nakon čega carinski organ može robu pregledati ili uzeti uzorke, izbjegla mjere carinske kontrole, pa je tako na njoj poznat način, preko carinske linije, prenijela 26 komada zlatnih poluga sa natpisom ... serijskih brojeva:“{...}“, koje zlatne poluge je prethodno, u aprilu 2025. godine, kupila kod prodavca „(...)“ SR Njemačka, po ukupnoj cijeni od 593.207,94 eura, koja roba je, dana 12.08.2025. godine, prilikom izvršenog pretresa kuće u njenom vlasništvu na adresi ..., opština Ravno, pronađena i privremeno oduzeta;
2. Dana 12.08.2025. godine, u kući na adresi ..., opština Ravno, koja je u njenom vlasništvu, držala novac za koji je znala da je lažan, što je i htjela, u ukupnom iznosu od 2.370,00 eura, i to: jedna novčanica u apoenu od 50,00 eura serijskog broja ..., jedna novčanica u apoenu od 50,00 eura

serijskog broja ..., šest novčanica u apoenu od 50,00 eura istog serijskog broja ..., tri novčanice u apoenu od 50,00 eura istog serijskog broja ..., jedna novčanica u apoenu od 50,00 eura serijskog broja ..., osam novčanica u apoenu od 50,00 eura istog serijskog broja ..., jedna novčanica u apoenu od 50,00 eura serijskog broja ..., dvije novčanice u apoenu od 50,00 eura istog serijskog broja ..., dvije novčanice u apoenu od 50,00 eura istog serijskog broja ..., četiri novčanice u apoenu od 50,00 eura istog serijskog broja ..., dvije novčanice u apoenu od 50,00 eura istog serijskog broja ..., jedna novčanica u apoenu od 20,00 eura serijskog broja ..., četiri novčanice u apoenu od 20,00 eura istog serijskog broja ..., pet novčanica u apoenu od 20,00 eura istog serijskog broja ..., sedam novčanica u apoenu od 20,00 eura istog serijskog broja ..., pet novčanica u apoenu od 20,00 eura istog serijskog broja ..., tri novčanice u apoenu od 20,00 eura istog serijskog broja ..., dvije novčanice u apoenu od 20,00 eura istog serijskog broja ..., šest novčanica u apoenu od 20,00 eura istog serijskog broja ..., tri novčanice u apoenu od 20,00 eura istog serijskog broja ..., te isto nije prijavila, a koji novac je, dana 12.8.2025. godine, pronađen prilikom pretresa izvršenog od strane policijskih službenika MUP-a Hercegovačko-neretvanskog kantona, SKP Mostar.

Dakle, preko carinske linije prenijela robu veće vrijednosti izbjegavajući mjere carinske kontrole (*tačka 1. Optužnice*), te znala da je lažan novac načinjen pa to nije prijavila (*tačka 2. Optužnice*);

Čime je, radnjama opisanim u tački 1. Optužnice počinila krivično djelo Krijumčarenje iz člana 214. stav 1. Krivičnog zakona BiH, te radnjama opisanim u tački 2. Optužnice krivično djelo Krivotvorenje novca iz člana 205. stav 4. KZ BiH, sve u vezi sa članom 53. KZ BiH;

Tužilac
Tužilaštva BiH